

“ONA TILIM BUYUKLIKDA ENG BALAND TOG’SAN.” TADBIRINING SSENARIYSI.

Tadbir o`tkaziladigan joy yoki sahna chiroyli bezatiladi. To`rda buyuk alloma Alisher Navoiy portreti. Uning til haqidagi fikrlari yozilgan plakatlar, ona tilini mukammal egallash, uni asrash, so`zlashuv odobiga doir maqollar, hikmatli so`zlar, shiorlar osilgan.

Bundan tashqari , taniqli allomalarimizning ham bu boradagi fikrlari keltirilgan. Sharlar, turfa gullar sahna chiroyiga chiroy qo`shgan.

Mayin musiqa sadolari ostida ikki boshlovchi sahnaga chiqishadi. Qo`llari ko`ksida, barcha bilan ta`zim ila salomlashadilar. O`quvchilar ona tilimizni sharaflab she`rlar aytadilar.

1-O`quvchi: Ona tilim muqaddas tilim,

Momolardan qolgan merossan.

Senda so`zlab, yashnaydi tilim,

Jarangdorsan, o`zbekka xossan.

2-O`quvchi: Navoiyni o`qidim senda,

Tariximdan so`zladi Qur`on.

Ona tilim, g`urursan menga,

Bugun seni tanidi jahon.

3-O`quvchi: Ona tilim, muqaddas tilim,

Onam allalari quloqlarimda.

Senda so`zlab yayraydi dilim,

Jarangdoshsn ardoqlarimda.

Hamma : Ona tilim, buyuklikda eng baland tog`san,

Ona tilim, suyaklikda Erami bog`san.

1-Boshlovchi : Bu dargohda ta`lim bergan

Ustozlarim, assalom.

Yuzi gulgun, qalbi quyosh,

Mehribonlar, assalom!

2- Boshlovchi: Bizga ko`zin nurin bergan,

Murabbiylar, assalom!

Bilimning keng sirin ochgan,

Muallimlar, assalom!

1-boshlovchi: Assalomu alaykum, hurmatli ustozlar, aziz davramiz ishtirokchilari. Bugungi til bayramiga bag`ishlab o`tkazilayotkan (hamma o`quvchilar jo`rlukda) “Ona tilim, buyuklikda eng baland tog`san”, deb nomlangan tantanali tadbirimizga xush kelibsiz !

Mayin musiqa taraladi

4-O`quvchi:

Oh,ona tilginam,muqaddas tilim,
Bir og`iz so`zingga jonim tasadduq.
Bunchalar shirinsan,bunchalar so`lim,
Bormikan ajib his senda ham ortiq?

5-O`quvchi:

Ona tilim, o`zingdians elni opichlab,
Shu kunlarga olib kelib, taratib ziyo.
Ona tilim,o`zingdians ming yilla asrab,
O`zbek elin istiqlola yo`llangan daho.
O`quvchilar ijrosida Vatan haqida qo`shiq kuylanadi.

1-Boshlovchi:Darhaqiqat,O`zbekistonhur o`lkam deb, ozodlik deb tinchlik tantana qilgan o`lka deb madhiyalar o`qidik,hamdu sanolar aytdik.Ammo o`sha buyuk o`lkada o`z tarixiga,urf-odatimizga tahqir ko`zi bilab qaradi

2-Boshlovchi:Biz uzoq vaqt milliyligimizdan,urf –odat va qadriyatlarimizdan bebahra qoldik.Yaxshiyamki xalqimiz baxtiga ozodlik yuz ochdi.Ayniqsa,o`zbek tiliga Davlat tilimaqomining berilishi ushbu boradagi eng katta voqealardan biri bo`ldi.

1-Boshlovchi:Bayram munosabati bilan barchangizning o`qish va ishlaringizda ulkan muvaffaqiyatlar tilaymiz.Ma`lumki,inson go`zalligi,ma`naiyati,buyuk merosi ,olam barqarorligining asosi bu-Tildir.

2-Boshlovchi:Shu sabab onadek aziz tilimizni avaylab-asrash,e`zozlash barchamizning muqaddas burchimizdir.O`zbekiston Respublikasi Konstitutsiyasi 4-moddasida O`zbekistonda yashovchi barcha millat va elatlarning tillarini,urf-odatlarini hurmat qilish ta`kidlangan.

(Mayin musiqa sadosi ostida ona siymosidagi o`quvchi kirib keladi.)

Ona :Mehribon farzandlarim ,jondan aziz dilbandlarim,o`z yurtiga fidoyi mard o`g`lonlarim.Sizlar ona tilimizni doimo avaylab-asranglar.O`z tilimizning qatorida qardoshtillarni ham qunt bilan o`rganib hurmat qila biling.Mening sizlarga murojaatim shuki,tilimizning sofligini saqlang,uning boy ifoda vositalaridan o`rinli va unumli foydalanishga harakat qiling,go`zalligini namoyon eting.Shuni unutmangki ,sizning komilligingiz avalo,muomala madanyatingizda namoyon bo`ladi.

6-O`quvchi:Munis onajon ,har bir so`zingiz biz uchun muqaddas.Chunki o`zingiz bu tuyg`uni ,mehrlil shirin allangiz ila ko`nglimizga jo aylagansiz.

7-O`quvchi:

Ona tilim onajonim tili bu,
Beshikdanoq singgan jonu quloqqa.
El yurtim,xonumonim tili bu,
Qadimlikdan o`xshar ona tuproqqa.
Avlodlarga xazina u bebaho.

8-O`quvchi:Yorug` dunyoga kelgan murg`akkina go`dak birinchi bo`lib onasining orombaxsh allasini eshitadi.Ona tili uning qon-qoniga hayot ramzi bo`lgan oq sut bilan singadi.Go`dak tili chiqqach,birinchi bo`lib “ona”so`zini aytdi.Shunday qilib ona tiliga bo`lgan mehr-muhabbat,sadoqat,e`tiqod go`daklik chog`imizdan paydo bo`ladi.

2-Boshlovchi: Ona tiliga bo`lgan mehr ham onaga bo`lgan muxabbatdek mustahkamlanadi. Shu til orqali inson hayotni tanlaydi, oqu qorani yaxshi-yomonni ajratadi. Shu tildaharf taniydi, bilim chashmasidan tashnaligini qondiradi.

8-O`quvchi:

Shu tilda o'qidim men Alifboni,

Shu tilda o'qidim "VATAN" so'zini,

Shu tilda ajratdim oqu-qorani,

Shu tilda topoldim so'z-e'tiborni.

1-Boshlovchi: til – millatning qalbi, uni avaylab-asrab har bir inson uchun farzdir. Yana shuni unutmaslik lozimki, "til jarohati bitar- dil jarohati bitmas. Yomon so'z inson ko'nglini ranjitar, shirin so'z inson ko'nglini tog' etar.

2-Boshlovchi : Endigi navbat ibratga chorlovchi til haqidagi maqol va hadislarga:

O'quvchilar navbat bilan so'zlaydilar.

1-O'quvchi:

Tiling birla ko'nglini bir tut.

2-O'quvchi:

Boshga baloni til keltirar.

3-O'quvchi:

Tilga ixtiyorsiz-elga e'tiborsiz.

4-O'quvchi:

Tili shirinning do'sti ko'p bo'lur.

5-O'quvchi:

Tilga e'tibor – elga e'tibor.

6-O'quvchi:

Til jarohati ,bitar, dil jarohati bitmas.

7-O'quvchi:

Yaxshi so'z-jon ozig'i.

8-O'quvchi:

Bir ko'ngil imorati,

Ming makka ziyorati.

9-O'quvchi:

Shirin so'zlar aytgil birodar,

Shirin so'z foydadir, u ko'ngil bezar.

10-O'quvchi:

Har kim chuchuk so'z elga ishor aylagay,

Har nechaki ag'yordur, ul yerniobod aylagay.

1boshlovchi: Til olloh taolo o'z bandalariga bergan hisobsiz ne'matlari qatoriga kiradi. Kishi bu ne'matning qadriga yetsa, shukronasini qilsa, saodatga erishadi.

11-O'quvchi:

Bobolardan bizga ezgu meros til,

Barcha qonunlarin ardoqlagaymiz doim.

Ma'naviy merosni asragaymiz bil!

Qalbimizga, jonimizga ko'zgu til.

Darhaqiqat, allomalarimiz tilimizning qudrati va ezgulikdan so'zladilar.

12-O'quvchi: Bunda Rabg'o'ziy "Qissasi Rabg'oziy" asari ila o'zining nodir hikoyalari yaratdi.

13-O'quvchi: Yusuf Hos Hojib "Qutadg'u bilig", Mahmud Qoshg'ariy "Devoni lug'otit turk" asari ila til tarixidan so'zladilar.

14-O'quvchi: Alisher Navoiy turkiy tida "Hazoyin ulmaoniy" dek bebaho, "hamsa" dek shoh asarini, go'zal lirik g'azallarni yaratib, so'z mulkining sultoni bo'ldi.

15-O'quvchi: Zahiriddin Muhammad Bobur o'zining betakror "Boburnoma"dek memuar asari orqali zamonasi tarixidan so'zlaydi.

16-O'quvchi: Farobiy fozil odamlar haqidagi asarida ko'p ibratli voqealardan so'zladilar.

O'quvchilar ijrosida milliy raqislarimizdan biri ijro etiladi.

1-Boshlovchi: (Alifbega ishora qilib):

Tilimizning go'zalligi va betakror so'zlar durdonasi avvalo ilk kitobimiz Alifbeda mujassamlashgan.

Kattakon alifbe kitobi maketi ko'targan bola chiqadi.

17-O'quvchi:

Poydevori har bir tilning,

Yozuv, harflardir azal.

So'ztuzadi, ular so'zga,

Ma'no berar galma-gal.

18-O'quvchi:

Bobolardan meros ezgu til,

Yozuvlari buyuk buni bil!

Tovushlarda aks etadi,

Qalam buni bayon qiladi.

19-O'quvchi:

Tovushlarni ta'rifetay,

Ular tilning gavharu.

Shu boisdan Alifbodan,

Joy oliishgandir bari.

20-O'quvchi:

Unli harflar yozilgan plakat ko'targan o'quvchilar saf tortishadi.

Oltovmiz biz unutmang,

Bizda bor faqat ovoz,

O va A bizga qondosh,

I va E esa safdosh,

U va O' ham bor yana,

Barimiz so'zda bosh-qosh.

21-O'quvchi: Undosh harflar yozilgan plakat ko'targan bolalar ham sahnadan joy olishadi.

Yigirma uch qarindosh,

Deyishar bizni undosh.

Ovoz-shovqin raqs tushar,

Quvnamiz bo'lib qondosh.

Tutuq belgi jo'ramiz,

So'zlarda u oshnamiz.

“Barkamol avlod“ qo'shig'i ijro etiladi.

2-Boshlovchi: Go'zal tilimizni madh etish maqsadida endigina navbatni mushoiraga bersak.

Yigitlar va Qizlar she'r aytishib, o'zaro bellashadilar.

1-Boshlovchi: Aziz mehmonlar, shu bilan bugungi bayram tadbirimiz o'z nihoyasiga yetdi. So'zimiz ohirida sizga ushbu tilaklarni bildirib qolamiz:

Mustaqillik olib kelgan erk, hurlik baxti abadiy bo'lsin. Beg'ubor ko'nglingizga ozodlik, istiqlol quvonchlari yanada shijoat bag'ishlasin!

2-Boshlovchi: Til, millatning qalbi, uni avaylab-asrash har bir inson uchun ham farz, ham qarzdir. Mana shu muqaddas tilimizni doimo sof bo'lishini barchangizga tilab qolamiz.

O'quvchilar baravar aytishadi:

Ona tilim o'z tilim,

Dunyo yuzing ko'r tilim.

Tillar ichra ulug'san,

Yagonasan zo'r tilim.

Ona tilim bor bo'lg'in,

Ardoqlaymiz biz seni.

Xazina deb ardoqlar,

Barcha o'g'il-qiz seni.

Boshlovchi: Xayr, omon bo'ling!

E'tiboringiz uchun tashakkur!

Musiqqa sadolari ostida kechaga yakun yasaladi.

Chirchiq shahar
XTMFMT va TEB tasarrufidagi
8-sonli umumiy o'rta ta'lim maktabining
2-" V" sinfida" 21-oktabr- O'zbek tiliga
Davlat tili maqomi berilgan kun"ga bag'ishlab
o'tkazilgan " Ona tilim buyuklikda eng baland
tog'san" mavzusidagi ma'naviy-ma'rifiy tadbir
ssenariysi.

Sinf rahbari:

Isanova Sh.M.